

欽定剿平三省邪匪方略

欽定剿平三省邪匪方略正編卷三十三

丁巳年

四月初一日

辛未

惠齡奏言探得前次南竄之賊

又分兩股一在東南之孤山沖一在西北之吳
山店往來游奕似欲仍向北竄自應逼歸一處
設法剿除隨派副將凝德由孤山沖東南緩進
副將關聯陞由西南緩進副將劉廷基遊擊朱
承茂由東西兩面虛張聲勢使賊人不敢亂竄

一併逼入吳山再行圍剿臣率領臬司先福等

繞至石門並委候補知府鄭成基等帶領鄉勇

分布山溝截擊竄匪二十一日丑刻同時並發

凝德進山離孤山沖尙有數十里卽見賊匪在

山頂樹林瞭望一見官兵飛向孤山沖奔竄凝

德帶兵尋蹤追往賊匪或隱或見凝德恐有伏

匿將兵四路分開沿山逐澗到處窮搜及至孤

山沖已無一賊隨登高山四望見賊分爲數起
或七八十人或四五十人盡向吳山店一帶潛
逃隨即知會各路官兵緊逼二十三日未刻趕
至吳山兩股賊人將欲聚合凝德關聯陞劉廷
基朱承茂會合齊進殺死三百餘人賊匪盡向
石門亂奔臣預督將弁先將鎗箭各兵排列整
齊盡伏山岡之下又在偏窄要口安設大礮數

位俟賊匪已近伏兵齊起鎗礮並施將在前馬
步賊匪一百餘人擊斃餘賊折回分路亂逃經
凝德關聯陞等帶兵追到賊匪捨命衝突見有
騎馬一賊手執大旗率領馬賊直衝我隊凝德
射中一箭復被外委陳大榮等矛戳數傷賊衆
合力來救被我兵奮勇齊上立殺數十人並將
中箭之賊擒住賊匪尙思奪路奔逃我兵一齊

圍裏殲斃多名復經鄭成基等生擒八十七名
餘賊悉數殺死當提中箭之賊訊問據供名廖
世學與張漢潮俱僞稱元帥分領兩隊賊夥共
一千餘人張漢潮現被官兵殺死姚之富等因
聞李述等逃向桐柏泌陽一帶思欲逃往會合
昨在龍鳳溝山內被官兵殺散遂領一千餘人
向北逃去該犯等因被官兵衝截是以分起逃

入孤山沖吳山店山內亦圖乘隙逃往會合不料被獲殺盡等語復提現獲之馬珍等八十七名逐一嚴訊供亦相同查廖世學受傷甚重已同馬珍等分別凌遲梟示傷亡兵勇另行查明造冊咨部至廖世學所供姚之富等已往北竄自卽在恒瑞追剿股內現接恒瑞來信賊匪已竄過裕州該將軍盡力窮追並准景安慶成等

知會該撫等所追各賊分竄魯山南召山內該處與伏牛山相近恐其逃至陝境已飛咨秦承

恩等飭屬一體堵截臣思賊匪因內鄉浙川楊

賈氏等曾與姚之富等暗相勾結欲圖會合雖

已經景安掃蕩而賊匪等尙在不知臣已飛致

景安飭令內鄉浙川二縣嚴爲防堵又囑舒亮

前往李官橋阿爾薩朗前往三尖山一帶截其

逃往興安鄖陽之路並委侍衛烏什哈達特松額帶領兵勇分駐老河口小江口等處以資協

應至恒瑞所剿一股雖尙未與慶成等追剿之

賊合併但察看情形自必向此一路竄逸臣自

應帶兵趕往以便四面兜擒第查湖北境內各

匪敗亡潰散在各處藏匿者尙復不少臣現飭

令防守夾河洲之總兵馬瑀道員胡齊崙會同

防守黃龍壩之總兵徐昭德將附近潛匪一體
搜剿並令叅將吉林泰帶兵在應山孝感一帶
同知周季堂守備陳之壯帶領兵勇在羅店豐
樂河一帶隨處相機辦理臣卽日帶兵馳赴南
召一帶察看何處較爲緊要卽往何處會同夾
擊再臣於此次獲犯內訊明汪新所奏逆詞內
之王姓卽王大樹又名王廷詔黎姓卽李述又

名李全現在賊匪男婦約共四千有餘均係同
時起事心腹固結之人是以不肯解散

臣

查景

安同王文雄追剿一股卽係王大樹等帶領之
賊慶成同巴克坦布訥音德光德齡追剿一股
卽李述等帶領之賊恒瑞同碩雲保富成追剿
一股卽姚之富等帶領之賊是首逆數人均在
此三股之內景安等現在設法殲擒且有興肇

協同剿辦自可不致漏網

同日巴克坦布慶成訥音奏言臣等自南召縣

督兵星夜前進查前起竄赴確山賊匪經景安

派員帶兵追剿先已竄入伏牛山臣等自東路

截回賊匪雖相隔數日亦係追尋逃逸查伏牛

山綿長八百餘里西接陝省商南雒南等縣崎

嶇險仄賊匪日夜奔走百有餘里臣等尋路遶

截轉恐紆遠連日帶兵儻行追及先後殺賊二百二十餘名臣等至內鄉縣屬之石界河地方遇河南叅將廣福據稱前起賊人已於十八日由此向西逃竄因聞後面復有賊匪竄來是以帶兵紮駐二十二日晚後起賊衆約二千餘人倉卒奔竄前來該叅將督兵施放鎗礮奮力擊打賊衆敗退亦由前起賊人竄逸之路奔逃等

語下等又於途次接景安來劄稱桐柏縣地方

又有一股賊匪竄入現已帶兵前往截剿隨令

該叅將探明景安剿賊之路前往策應臣等當

卽兼程前進聞後起賊匪竄至五里川地方東北

距河南盧氏縣西北距陝西雒南縣均一百數

十里若官兵直前掩襲賊人勢必向北狂奔應

卽設法攔截臣巴克坦布與總兵德光等仍帶

步兵追殺臣慶成訥音總兵德齡等帶巴圖魯

侍衛馬兵於二十四日夜間從五里川東北山

溝密行抄繞天明官兵撲上山梁賊人瞥見尙

有抗拒之勢臣等督兵下壓賊匪折向原路奔

逃臣巴克坦布等帶領步隊迎頭攻擊賊人分

竄大山臣慶成訥音等分帶馬兵往來截殺殲

斃賊匪五百餘人奪獲騾馬三十餘匹餘匪復

向西南一帶深山逃竄臣等隨卽督兵趕緊剿辦均奏入

上命軍機大臣傳諭惠齡恒瑞景安慶成秦承恩蔣兆奎曰此次慶成等追剿賊匪共殲斃七百餘名賊勢窮蹙由盧氏一帶竄入伏牛山內慶成等現向西南一路兜截所辦尙好現據惠齡奏到剿淨南股賊匪卽日帶兵馳赴南召一帶察看何處緊

要會同夾擊此時賊首王大樹李全姚之富三人
俱在豫省南境一帶北面有景安王文雄帶兵截
殺南面有恒瑞等帶兵追剿而惠齡亦卽踵至正
可會合兜擒惟伏牛山西北卽接陝西潼關雒南
地方前據秦承恩奏一得豫省知會卽帶兵三百
名由興安小路星赴潼關一帶堵截惟所帶兵數
未免畧少著傳諭秦承恩如本省營汛可以就近

添調固屬便捷否則山西蒲州與潼關僅隔一河就近咨調應用如有豫省剿散餘匪逸入卽當攔截擒拏並著蔣兆奎於蒲州各營先爲密備勁兵一千名但不可稍露張皇至恒瑞連日未見具奏或因追賊緊急未暇繕摺此時恒瑞趕至何處會否與景安慶成會合著卽迅速具奏總之賊匪奔竄無常若因山路崎嶇馬兵不能得力則賊匪困

守空山糧食缺乏自必潛行掠食正可趁其下山之時於平原曠野用兵圍剿此時賊未潰散皆緣首逆等未經就獲惠齡等惟當設法將李全王大樹姚之富三犯擒獲其餘夥黨失所倚恃自必潰散惠齡所奏分委員弁搜查餘孽未免先其所緩而後其所急再張富國一犯現往何處未據奏及亦當一併留心截擊此次剿賊之副將凝德關聯

陞劉廷基著惠齡咨部議叙

初二日

壬申

額勒登保福寧奏言查賊匪佔據黃

柏山特險抗拒昨經攻得一碗水等山尙係四方臺之右其左面之光頭山賊人高築賊卡接築卡牆十餘里內外深挖濠溝溝外坡坎處處陡削小薄道嶺之路更偏仄無容足之地難於行走必須將卡牆設法摧陷方能攻取四方臺

臣

等再四思維惟有從光頭山脚逐段擊卡於半嶺之上橫穿一深林即可直衝卡牆出其不備遂於十九二十兩日親督官兵擊卡光頭山賊人見官兵上嶺卽放鎗擲石我兵人人奮勇共接擊九卡已到半嶺相距賊卡不遠該匪等吹角聚衆約千餘人持矛放鎗吶喊下壓被巴圖魯侍衛及滿漢屯土官兵鎗箭齊發連斃數十

賊該匪等藏匿深林猶放鎗拋石我兵施放連環鎗賊始轉退八卡死守臣等飭令官兵卽於

半嶺將營卡修砌堅固嚴密防護賊匪於傍晚時復來撲卡二次復被官兵擊退嗣亦不敢再

下臣等卽於二十一日五鼓由半嶺直入深林

橫衝卡牆臣額勒登保帶領綸布春等爲一路

臣福寧帶領張廷彥等爲一路并令官兵分帶

木梯撓鈎備用天未明時我兵已至牆下卽將
木梯搭在牆上用撓鈎掛牆藉勢騰越立時拆
開卡牆靳文銓張彪等首先進牆連砍數賊賊
衆一時驚叫聲徹山谷推陷已非一處閔懷希
孫效前李錫爵曾大彪殷占魁等隨卽帶同各
兵突入賊匪抱頭鼠竄我兵到處截殺屍橫遍
野光頭山小薄道嶺之賊見官兵已入卡牆屢

欲下壓又復怯退我兵繞至高坡用礮向上轟擊該匪等存立不住潰而出卡滾崖墮溝死者無算官兵追殺乘勢搶上四方臺拋擲火彈將

房屋延燒男婦老幼奔逃悉爲官兵殲戮

臣等

於已刻踵至四方臺將領等分路追殺已至四五十里之外陸續割獻首級一百五十顆又生擒賊匪田大榮李名盛覃有惠等三名訊以首

逆下落均稱現俱各自逃竄實在不知亦未聞
商往何處等語餘無要供當卽梟首懸示至長
嶺一路關騰帶兵從梯兒巖殺入來獻首級十

一顆奪獲賊鎗五十四桿木礮二個及食物器
用均卽分賞各兵午後聞西南鎗礮之聲不絕

自係賊匪等竄至該處臣等先經撥兵一千餘

名飭令將領等帶同趕赴成德及諸神保駐兵

之所聽候撥用長嶺一路官兵已繞至四方臺
取面無虞賊人竄逸西南一帶有成德諸神保
西北有慶溥在彼堵剿自亦無慮惟首逆林之
華覃加耀等尙無下落臣等遂令各將領卽於
山梁要隘處所劄卡分駐臣等亦移駐四方臺
搜尋首逆剿捕餘孽再巴圖魯二等侍衛豐紳
奮勇殺賊左肩猝被賊鎗現已取出鎗子飭令

調養其餘將領屯土備弁內身冒鎗石不避險
阻實在出力之人謹擇其勞績尤多者並辦理
軍需出力文員分別開單呈

覽陣亡受傷弁兵另行查明咨部奏入

上命軍機大臣傳諭額勒登保福寧曰據奏官兵攻
克四方臺痛殲賊匪情形初閱竟似賊人巢穴已
傾首逆即可擒獲殊爲欣悅及閱至後幅首逆現

無下落且據稱長嶺一路官兵已至四方臺東面
無虞賊人竄逸而西南一帶先經撥兵一千飭令
將領帶同趕赴成德諸神保駐兵之所聽候撥用
此項兵丁是否係未經攻克四方臺之前預先派
往若係攻克四方臺時甫經派往則西南一帶道
路綿長新派之兵一時未能趕到而成德諸神保
俱已年老深慮照料未周若賊匪復由此路竄逸

則西南未經被賊地方豈不又遭蹂躪著傳諭成
德諸神保務當加倍留心嚴密截剿如能趁此擒
獲首逆則伊二人當得首功額勒登保福寧轉居
其次倘防堵不嚴任令賊匪首夥由此路逃逸亦
當治成德諸神保之罪再閱黃柏山舊圖四方臺
爲賊人門戶其巢穴尙在四方臺之北究竟相距
道路若干此次會否直搗賊巢未據聲敘且訊據

獲犯供稱林之華覃加耀俱各逃竄不知逃往何處是首逆尙無確蹤卽攻克緊要隘卡亦未爲蕩事但因額勒登保等尙能設法拆毀卡墻破賊門戶究屬奮勉額勒登保著賞給金鑲松石盒搬指套青玉搬指大小荷包福寧著賞給銀絲盒搬指套青玉搬指大小荷包所有出力文武員弁均照所請分別加恩此外如有出力者並著查明咨部

議敘兵丁等甚爲勞苦著賞給一月錢糧以示鼓

勵

上諭內閣曰額勒登保福寧奏軍營節次打仗奮勇出力各將備名單二等侍衛豐紳著陞爲頭等侍衛遊擊候補叅將董寧川著賞給健勇巴圖魯名號遊擊靳文銓賞給壯勇巴圖魯名號土遊擊色爾瓦賞給博特巴巴圖魯名號都司孫效前守備

朱集才譚公義土都司楊德明安朋土守備阿托
俱著賞戴花翎守備姚士華千總李文秀龍必達
把總蕭聯陞外委殷占魁李萃李錫爵曾大彪顏
外外委李楫土守備安達俱著賞戴藍翎又辦理
軍需出力之道員依精阿知府趙秉淵俱著賞戴
花翎縣丞常慶賞戴藍翎知縣沈堂著以同知直
隸州補用准其先換頂戴以示鼓勵

初三日癸酉興肇景安奏言臣等前於古石灘一

帶迎截第三股賊匪連日自裕州至魯山嵩縣
俱係崇山峻嶺賊匪見官兵追急分股奔逃或

二三百人或數十人忽出忽沒臣等與總兵王

文雄率領官兵由北面分路入山截剿賊匪由
伏牛山向西潰竄正在追趕間旋據探報前次
遣往接應總兵張文奇追剿第一股賊匪之守

備楊君璽尙未與張文奇會合於二十日行至
樂州地方猝遇第二股賊匪二千有餘該備奮
力截殺緣帶兵僅有四百轉戰四時之久衆寡
不敵該備身被重傷陣亡彼時張文奇帶兵在
後聞聲趕至賊匪恃克分股圍繞張文奇當卽
帶兵搶上山梁排隊施放連環鎗賊匪抵死攻
撲千總吳雙奇連發大礮轟斃執旗賊目三名

張文奇督率官兵力戰至四更賊始暫退張文
奇露處山梁官兵竟夜水米未進次日辰刻賊
匪又蜂擁而至張文奇鼓勵官兵直衝賊隊賊
匪披靡官兵乘勢剿殺鎗斃紅衣賊目一名餘
賊向西南逃竄臣等因思張文奇在西路追剿
而此第三股潰匪又向西竄恐該鎮腹背受敵
當卽飛行知會令其預防後路張文奇遂回兵

白露溝據險埋伏二十六日第三股賊匪果竄
至其處伏兵齊發殺賊百餘名奪獲牛騾刀矛
無數賊匪仍復翻山向西逃竄查前兩股賊匪
俱已西竄盧氏內鄉一帶巴克坦布慶成等大
兵在南路緊追至此股潰匪意在追尋前股會
合現在恒瑞等帶領大兵亦由嵩縣一路趕來
並准秦承恩咨稱陝省接壤之雒南商南等處

均已派兵團勇堵截嚴密賊匪西竄無路勢必
仍復折回臣等現與恒瑞公同熟商合力追剿
至東北襄城許州一帶現無兵力防堵適據藩
司吳璣稟稱奏請

間發直隸山東山西兵二千名前來分駐防堵如蒙
俞允則豫境北面足壯聲威臣景安亦可專心會剿
倘各路官兵未到之先賊匪業已剿淨卽當飛

行知會停止再

臣

景安因大兵分起全入豫省

軍需萬緊當卽飭知藩司倘藩庫存款不敷支

撥卽於撥發楚省部餉銀內酌量截留以資接

濟茲據該司吳璈稟請截留一百萬兩當卽飭

令就近辦理至裕州葉縣一帶驛路賊匪常時

出沒解楚餉銀未便冒昧徑行亦經飭令藩司

暫於許州襄城等處截留存貯隨時確查新野

信陽兩路何處放心卽由何處解往

同日恒瑞與肇景安奏言臣恒瑞同碩雲保富

成帶兵追剿北股之賊緣楚豫東路交界層峯

疊嶂賊匪已翻山竄入豫境臣恒瑞聞景安王

文雄均往西路魯山一帶截剿前股之賊恐此

股賊匪乘虛直向北趨當卽趕緊抄至東北

路攔截沿途探知與肇景安等連次截擊賊匪

不敢北趨總由山路向西奔竄遂復星夜備行

二十七日馳抵嵩縣之寺莊地方適遇興肇景

安等探路截剿詢知三股賊匪先後被剿西竄

情形_臣等公同熟商前兩股賊匪已竄往盧氏

一帶慶成等帶領大兵趕剿此股賊匪自亦必

思歸併前夥_臣等本擬分兵抄至北面兜截但

查嵩縣一帶伏牛大山橫亘其間惟黑峪一路

可通盧氏之藥川此外雖有山僻小徑險狹異常難通糧運若由北大路取道洛陽抄赴盧氏計程六百餘里則辦轉致稽遲且賊匪狡獪異常或北或南殊難預料莫若合齊兵力乘勢窮追一俟可以覓路分截之處卽當分兵兜截

同日蔣兆奎奏言三月二十九日臣聞兵至大

同府途次接據河南布政使吳璥稟稱豫省地

方因賊匪奔竄無定各口兵俱在西南面追截
東北面防守空虛不得不於隣省調撥查山西
澤州府與豫省河內縣連界由孟縣渡河五十
里卽係洛陽地方現經奏懇

聖慈飭令山西省派兵一千名赴洛陽駐劄防守等

情臣查山西太原鎮屬上年四月間業經派撥

兵二千名赴豫協剿本年二月內經陝西撫臣

奏承恩奏請調撥晉兵二千名當於大同屬照
數挑備嗣奉

諭旨停止歸伍

臣

以軍務未竣仍密囑鎮臣恩特黑

默轉飭靜候今豫省所需防守兵丁自應卽於

此內派撥一千名派河保營叅將富靈保統領

分作三起間日起程赴省一面飛飭沿途各地

方官豫備口糧草料車馬等項供支飭令兼程

前進均奏入

上命軍機大臣傳諭惠齡恒瑞興肇景安慶成曰景安等奏張文奇帶兵趕至藥川地方將第二股賊匪痛加殲殺迨經景安等知會卽據險埋伏於第三股賊匪竄至該處時又殲斃百餘名賊匪向西逃竄張文奇奮勇可嘉著賞戴花翎仍加賞提督銜並賞碧玉搬指銀絲搬指套大小荷包以示獎

勵守備楊君酉猝遇賊匪奮力截殺受傷陣亡殊
爲可惜著咨部照都司例議卹其餘傷亡官兵俱
著查明咨部優卹打仗兵丁四百名著賞給一月
錢糧恒瑞景安等擬合齊兵力乘勝窮追俟可以
覓路分截之處卽分兵兜截所見亦是現在惠齡
等已將襄陽南股賊匪剿淨帶兵馳赴南召一帶
正可會同夾擊看來景安等所追之賊亦必歸入

慶成等所追之前兩股內如果賊匪竄入伏牛山
內該處山勢險峻綿亘非城市村集可比賊匪人
衆亦必無從搶掠正可趁其自投羅網四面堵截
悉數殲除惠齡景安等務須上緊剿辦至張文奇
殺斃之紅衣賊目是否係緊要首逆並著查明具
奏其所稱留楚餉一百萬以應急需自應如此辦
理又據奏襄城許州一帶無兵防堵請簡發直隸

山東山西兵二千名前赴防堵頃據蔣兆奎奏已
挑官兵一千名派員管帶赴豫自可得力至直隸
山東相距河南較遠且賊匪業向西竄豫省東北
一帶似可無虞著景安等酌量情形如襄許等處
已可無須防堵則直隸山東之兵竟無庸添調設
賊匪或又轉回北竄必須添兵接濟景安卽一面
咨調一面奏聞不必再行請旨致稽時日

初五日

乙亥

巴克坦布慶成訥音奏言

臣

等昨自

盧氏縣五里川截回賊匪向西南陝豫接壤大

山逃竄山峽陡險別無歧路抄截

臣

等督率弁

兵兼程緊追至火焰溝該處距陝省雒南商南

商州等邊界俱近道路益窄馬步並進難以展

布

臣

巴克坦布德光各帶步兵一隊由兩山嶺

前進

臣

慶成訥音德齡等帶領馬隊由中路進

攻又探聞臣等自東路截回之賊現已趕入前

次竄赴確山賊匪一夥沿途各有裹脅之人俱

至欒莊地方一見官兵恃其人數增多公然在

峽口排列抗拒直前衝殺臣巴克坦布德光從

兩山嶺施放鎗礮擊斃賊匪多人餘衆仍抵死

不退維時天已向暮地勢逼狹臣慶成等率領

侍衛弁兵奮力衝開賊隊搶出峽口臣巴克坦

布等亦卽乘勢下壓賊始散亂爬山分竄官兵
卽在山梁劄駐詎賊人乘夜復來攻撲營盤官
兵鎗礮齊發傷斃數十賊卽時敗退天明查探
賊匪俱已向西南逃遁當卽飛咨秦承恩嚴飭
各要隘兵勇加緊堵截外臣等卽由欒莊向西
南督兵趕緊剿辦再臣等入山抄繞已及兩月
官兵所騎馬匹俱形疲乏現在賊匪狂奔截剿

正需馬力臣等就近知會陝省籌辦壯馬五百匹解送前來更換俾資接濟

同日署陝西布政使倭什布奏言臣自潼關旋

省後探聞豫省賊匪分作數股滋擾魯山南召內鄉盧氏等縣該處與陝省雒南縣毗連兼可旁通商南潼關等屬現在商雒一帶雖有副都

統豐伸布鳳郊道王文湧署潼關副將劉成得

並同州府知府朱勳帶領滿漢官兵及各鄉義
勇晝夜防範但山重嶺複隘口繁多臣復商同

署將軍花尙阿添派滿兵四百名前往潼關防
守軍標兵三百名派委撫標遊擊張彪帶領分
往雒南堵禦茲於三月二十八日據商南縣知
縣錢廷琛飛稟二十三、四兩日有屯聚盧氏縣
賊匪數百人連撲縣屬之捻耳溝卡寨俱經該

縣協同把總馬占熊親督兵勇將賊殺退二十
五日賊匪在盧氏迤西之李漫坪肆擾該縣馳
赴北界曹家營地方攔截二十六日午刻忽有
賊匪數千人由盧氏瓦窰溝前來齊撲捻耳溝
卡寨經馬占熊率領兵勇用鎗礮轟擊賊匪捨
命直前兵勇人少不能抵禦賊衆已入境內當
經劉成得帶兵星往攔截堵剿等語查商南雒

南一帶爲陝省緊要門戶臣急欲親往會剿適

聞秦承恩帶兵三百名已由南山小路星夜行走不日可抵商境且省城重地未敢輕離茲與花尙阿商酌選挑精壯滿兵六百名妥爲豫備惟陝省滿漢官兵除陸續調往鄰省撥防各屬外今商雒潼關一帶分守各卡兵丁在在俱形單弱卽添雇壯勇均不能諳習紀律合無仰懇

皇上天恩諭令山西撫臣蔣兆奎將前次該省備調
兵丁內酌撥一千名派委專閫大員督同勇幹
將備帶領兼程來陝由潼關逕往商南一帶協
力撲剿於地方實有裨益均奏入

上命軍機大臣傳諭惠齡恒瑞與肇景安秦承恩慶
成蔣兆奎曰豫省竄匪經慶成等在盧氏抄截俱
竄至欒莊地方官兵分路追剿僅殲斃賊匪數十

人爲數甚少此時賊匪由西南逃遁距陝省雒南商南等處不遠現據倭什布奏盧氏地方約有數千餘賊已闖入陝境請將晉省前次備調兵一千名卽兼程赴陝協剿等語是豫省賊匪業已竄陝亟須上緊搜捕慶成等雖已向西南追剿秦承恩現由南山小路前抵商州兵力尙覺單弱著蔣兆奎卽於晉省蒲州附近營汛挑撥兵一千名速派

將弁管領徑赴商南一帶不可又繞至西安致有
紆緩其前次由大同撥赴洛陽兵一千名現在豫
省之賊既竄商南此項兵丁亦可不必赴豫卽著
就近俱赴商雒一帶以備圍剿之用恒瑞等所追
第三股賊匪自必亦歸入前二股之內惠齡亦應
馳赴該處協力夾剿至景安雖係一同帶兵但豫
省邊境一帶尤關緊要著該撫酌量情形如豫省

已無賊匪或卽同赴陝境協剿或留駐豫省邊境以資策應至慶成等奏官兵截剿正需馬力已咨會陝省辦馬五百匹解送等語著秦承恩速行酌量籌撥不可有悞軍行

初六日丙子秦承恩奏言臣探得楚匪已在盧氏

朱陽關一帶焚掠距陝甚近隨飛飭文武員弁實力防堵臣卽於二十五日自興安起程二十

九日行抵孝義川地方接據商南縣知縣錢廷琛稟稱賊匪三千餘人屯聚盧氏縣瓦窑溝等處焚掠與商南東西捻耳溝相近二十三四兩日有賊數百人連撲捻耳溝卡隘俱經該縣親督兵勇擊退二十六日午刻忽有賊匪數千人徑撲西捻耳溝卡隘把總馬占熊率領兵勇用鎗礮擊賊匪捨命不退署潼關協副將劉成

得聞信帶領兵勇飛往堵剿殺賊三四百人餘
匪竄逃正在帶兵追剿被賊匪兩路突出劉成
得馬占熊各受傷陣亡兵勇查明另報現在賊
匪直入商境等情又據鳳邠道王文湧稟稱二
十六日賊匪二千餘人由洋淇溝撲商南雙樹
卡經副都統豐伸布帶領兵勇迎剿殺賊三百
餘人兵弁間有傷亡等情臣聞信實深焦灼卽

於本日由孝義川馳赴商州一帶督率堵剿惟
現在商雒等處派往滿漢防兵各止四五百名
卡隘甚多不敷分撥

臣

此次亦祇帶本標兵三

百名而通省滿漢官兵多已調赴川楚會剿存
營無幾現在花尙阿倭什布會挑滿兵六百名
預備調撥但兵力尙單

臣

前自興安啟程時已

飛劄蔣兆奎於晉省各營內備兵一千名先令

數百名星赴潼關防守現又前催卽全數派撥
前來馳赴商南一帶協剿並於此項兵丁之外
添派兵一千名預備續調再頃聞提督慶成總
兵張文奇俱已帶兵抵盧氏縣與商雜接壤臣
已飛商慶成等卽將所帶官兵酌派來陝兩面
夾攻

同日倭什布奏言據商南縣稟報署副將劉成

得於二十六日追剿捻耳溝賊匪殺賊三百餘人詎賊衆自兩山壓下四面圍裹以致劉成得與把總馬占熊俱受傷陣亡等情又准鳳邠道王文湧劄會二十六日副都統豐伸布帶領滿漢官兵鄉勇在洋淇溝地方截殺賊衆因衆寡不敵不敢窮追等情三十日據同州府知府朱秉稟報探得賊匪於二十七日屯聚盧氏之蘭

草河申刻竄入火焰溝二十八日由雒南縣之
八岔直撲欒莊營經商州營遊擊張濯督率兵
勇在彼堵禦等語查賊匪分股四竄其自捻耳
溝入境一股逼近商南縣城卽欒莊地方距雒
南縣不遠兼有小路可通商州之龍駒寨已飛
劄豐伸布王文湧暨朱勳張彪等竭力防堵以
免疎虞頃接秦承恩劄知已於二十六日帶兵

日興安起程計四月初二三日可抵商境並劄
調滿兵四百名前往又接潼商道崇福來劄山
西蒲州營兵丁二百名於三月二十九日到關
逕赴商南縣訖均奏入

上命軍機大臣傳諭惠齡景安慶成秦承恩曰秦承
恩奏賊匪竄入商南縣境前往督辦又據倭什布
奏到情形相同此次竄匪由盧氏關入陝境商南

地方叅將劉成得帶兵堵禦被賊匪兩路竄出與把總馬占熊俱各受傷陣亡自因該將弁所帶兵少猝遇賊匪數千衆寡不敵以致陣亡殊爲可惜劉成得馬占熊俱著咨部加等議卹至隨征兵丁打仗出力者向俱酌加恩賞但兵丁等臨陣拒賊理宜捍衛主將若兵不顧將於軍紀卽當嚴辦劉成得等所帶兵丁果能奮勇殺賊何至領兵之員

竟被賊害本應查明治罪姑念現當剿賊用人之際罰不及衆特從寬貸已屬格外施恩豈可再邀賞資領兵大員等當隨時將此旨宣諭各兵丁等一體知悉俾臨陣遇敵有勇知方以肅軍紀至此股賊匪自卽係慶成等一路追剿之賊看來首逆王大樹李全姚之富等皆必歸在一處昨已降旨令惠齡恒瑞興筆等俱赴商維一帶會剿計慶成

等自當先到恒瑞興肇次之惠齡等接續可到而秦承恩亦已帶兵馳赴商州但秦承恩究係書生惠齡恒瑞慶成等或酌分一二人幫同剿捕更爲得力景安竟當駐劄豫省邊境一帶督率巡查嚴密防堵於總兵王文雄張文奇二人內派委一人酌帶兵丁前赴陝境協剿至添調晉兵一節昨已令蔣兆奎將蒲州挑備兵丁一千名並前次撥赴

雙三才臣傳卷之三
洛陽之大同兵一千名併即速赴商雒一帶圍剿
現在秦承恩又調滿兵四百名合之惠齡恒瑞與
肇慶成等所帶之兵不下二萬有餘何難合力兜
捕況賊匪逃竄步行者多官兵儘可追及惠齡等
務當振作士氣奮力進剿速奏捷音

上又命軍機大臣傳諭直隸山東河南江西湖北四
川陝甘雲貴各督撫曰自賊匪滋事以來調派各

該省官兵進剿未免本省存營官兵較少現當剿
賊之時征兵不能卽時歸伍兵額久懸不補營汛
空虛自應先行挑募新兵補足兵額操練精熟使
各處營汛皆有官兵巡守設遇徵調亦可隨時抽
撥存營不致單弱於征剿差操均有裨益且征兵
等在軍營剿賊立功拔補弁員以及傷亡事故所
遺馬步兵額缺本須挑補卽使大功告竣後征兵

歸伍彼時仍可酌量情形通融辦理著各該督撫
卽各按調派兵數酌量募補十之六七務須督飭
各標營挑選精壯新兵毋得將老弱充數以副慎
重戎兵之意

臣
等謹案書云惟事事乃其有備蓋以訓練
卒伍修簡器械平日尙不可無備况在詰戎
除暴之際乎此次教匪滋事奔竄三省重以

地介山陬險隘更多防剿兼施多需兵力是
以徵調就近各省營兵前往協濟我

皇上神機密運凡遇奏請檄調之爭

權道里酌地勢遲速多寡之間一一出於

指示茲復

慮及調撥各營分兵額久懸

諭令各督撫先行募補十之六七以備組練而重巡

防仰見

宵旰之勞

運籌罔至時措咸宜也

初七日

丁丑

明亮宜綿德楞泰奏言竊查雞爪嶺

爲賊巢正東一帶門戶自經官兵奪據扼其咽喉

喉料賊匪定來攻撲當飭鎮臣朱射斗艾如文

等率川陝官兵及綽斯甲並五寨土兵於雞爪

嶺之土連營分駐又撥鎮臣索費英阿以帶之

兵於棋盤石擊卡二處聯絡聲勢適臣德楞泰

已自楊柳坪一路察看地勢於十八日馳抵馬

耳峯軍營與臣明亮宜綿會同親履各處查閱

營卡二十一日丑刻賊匪率衆分路前水每路

約千餘人由大母家埡口陳家坪龔家灣四處

直撲雞爪嶺各營另一路直衝碁盤石卡座臣

等督率將弁帶兵分投進剿因時在昏夜恐雜
爪嶺山徑溝坎難辨飛飭艾如文朱射斗等先
用大小礮轟擊誘賊上嶺然後突出剿殺比賊
匪行至嶺下見官兵不卽出敵以爲得計分燃
火炬一湧上嶺該二鎮率將弁及屯上各兵同
聲吶喊衝出營盤鎗箭刀矛奮力攬戰當將四
路前隊賊匪三百餘人盡行殲斃後隊之賊卽

回身捷走時天色將曉官兵乘勢下壓賊衆益形錯亂拋棄器械及追至嶺下副將長春曾於十三日殺賊時得受鎗傷猶復率千總何化龍等催兵追擊沿途又殺傷數十人其衝撲碁盤石一路之賊經達音泰索費英阿等領兵緊對賊人來路用鎗礮轟打擊斃甚多賊匪始退該二鎮仍帶兵衝殺下山賊從寨內擁出多人接

應抗拒追見攻撲雞爪嶺四路之賊俱各狂奔
敗回衆賊始奪路亂逃敗入寨去計殺斃五百
餘人割獲首級七十一顆生擒王作虎吳國良
庾有才黃添佑等四十四名奪獲鎗矛器械九
十二件大小礮三位臣等當將出力弁兵逐一
獎賞仍令各營卡兵勇嚴密守禦次日巳刻賊
匪復率三四千人直撲萬古樓鄉勇卡座查該

處在賊巢東北因官兵不敷分駐臣等於鄉勇

中挑取奮勇者三千人訓練鼓勵派外委劉邦

華帶鄉勇頭羅思舉王道益等管領設營堵禦

賊匪不能東竄希圖西擊該鄉勇等在卡望見

卽分隊排列山腰併力轟擊賊始稍退又分

股欲從山溝繞至山後衝撲經臣等派侍衛溫

春富僧德都司蒲尙佐等帶領策應之兵勇由

馬耳峯溝底迎頭截殺鄉勇等亦自上壓首
尾夾擊賊人情急穿林越澗四處奔逃除兵勇
分投追殺五十餘名之外所有攔截溝內之賊
痛加礮戮所餘無幾並生擒符士貴王登明李
有貴等十七名臣等逐一研訊據供該首逆等
欲命執旗頭人於附近村莊焚掠糧食何處營
卡可以衝開卽向何處搶掠又聽得首逆等計

議以金莪寺山勢陡險可以屯聚又欲派人暗
從西南山陰取道往明月場羅江口搬搶糧食
並欲邀合王家寨方山坪兩處屯聚之賊入夥
可以固守拒敵官兵等語臣等覈其情辭似屬
可信羅江口一帶現因兵力短少分駐鄉兵雖
多究不足恃自須亟爲籌畫適後起川滇各兵
俱已行抵達州因卽令提臣穆克登阿副都統

銜巴圖魯西津泰等前往率領相地分佈以堵
賊人西竄並飛飭該處守營將弁留心防範茲
於二十四日據叅將增順遊擊王霖等稟報二
十二日有賊匪二三千人至重石子地方焚掠
該叅將等卽率兵剿堵截殺多人賊人退據重
石子山巔屯紮遊擊托克托布因奮勇殺賊臨
陣捐軀遊擊薛大烈亦殺賊受傷尙不甚重

臣

等伏查金我寺賊巢四面山巒綿亘南至新寧
一百四十里東至開縣二百六十餘里北至太
平縣二百五十里西至達州一百四十里方山
坪王家寨一百八十里賊人情急分竄在所不
免萬一進攻太急致賊人向山間小道奔逃恐
未經被擾村莊復被蹂躪總須先將四面隘口
一一分防妥帖使賊匪驅歸一處無路潛逃然

後將各營卡向前挪移漸逼漸緊以期一鼓殲
擒至連日各路打仗受傷陣亡兵丁容俟查明
咨部其生擒之王作虎符士貴等六十一名卽
行正法梟示再現在圍剿賊匪四路安兵周圍
道路遙遠各路軍火軍糧最關緊要查達州爲
糧餉總彙運搬之所不可無大員督率籌運
等公同商酌臣英善應在達州駐劄督催分運臣

5
觀成奎舒勒禮善分駐達州東鄉緊要隘口

稽查後路遇有急需堵剿之事卽可就近派撥

臣

明亮宜綿德楞泰駐劄前敵相機籌剿又查

王家寨方山坪二處賊匪經總兵百祥署遊擊

羅定國等分投堵剿茲據百祥稟稱王家寨西

北之鮮家坪鷹背嘴一帶係通方山坪大路賊

匪屢思竄合經都司李洲守備蘇維龍千總馬

國柱等分帶兵勇連營扼要已有圍攻之勢又據羅定國稟稱賊匪連日出擾附近方山坪之觀紫寨等處經該都司率領兵勇極力堵截賊匪不敢復出惟該二處兵力尙單未便冒昧進剿臣等趕緊籌商俟四路營卡分設妥密卽當酌量抽撥分往協剿

同日刑部侍郎代辦陝甘總督事務陸有仁奏

言臣接據商州雒南縣稟報河南賊匪竄入盧

氏之朱陽關蘭草河等處逼近縣界臣查蘭草

河距雒南之雞頭關僅十五里距縣城一百七

十里道路在在皆通必須於總要隘口嚴密防

堵隨飛飭署潼關協副將酌帶官兵星赴該處

會合商州牧周光裕多雇鄉勇分布要害并經

秦承恩飭委同州府知府朱勳帶領壯丁前赴

擇險防守藩司倭什布亦派軍標兵三百名星
飛馳往守禦尙屬有資自可不致闖入第聞賊
匪狡黠異常奔竄無定潼關附近官兵多半調
赴興安暨四川達州防剿兵力稍形單弱查甘
省各營除派出川楚協剿外現存兵四萬四千
餘名臣已酌撥西寧鎮兵三百名河東附近各
營兵二百名飭派久歷行陣之西寧鎮總兵富

爾賽帶領兼程馳赴潼商一帶探明何處緊要

卽赴何處策應臣一面差派妥弁密行偵探如

果賊匪擾及陝界臣卽刻起程星夜赴彼相機

堵剿均奏入

上命軍機大臣傳諭宜綿惠齡明亮慶成秦承恩曰

宜綿等奏痛殲連日撲營賊匪並撥兵堵剿情形

所辦尙好前因宜綿等奪獲雞爪嶺碁盤石緊要

卡座賊勢諒已窮蹙是以令明亮前往楚豫一帶
協剿今閱所奏賊匪現在屯聚金莪寺清溪塲尙
敢四出撲擾而王家寨方山坪又有屯聚之賊如
明亮接到前旨已經起身必經由陝西一帶正可
就近前赴商雒幫同恒瑞慶成等四面夾攻若明
亮因達州賊勢尙衆未經起程仍著留於達州地
方同宜綿等分投督剿至方山坪王家寨祇有總

兵百祥一人在彼堵禦究恐兵力單弱現在達州
帶兵大員甚多宜綿等或酌分一人帶兵前往以
期早滅一處賊匪早除一處黨與其在重石子山
殺賊陣亡之遊擊托克托布著咨部加一等優卹
至陸有仁奏酌調西寧等鎮官兵五百名派令總
兵富爾賽帶領兼程馳赴商雜一帶陸有仁亦起
程前來等語西寧距商雜甚遠兵丁到彼需時著

秦承恩恒瑞慶成等商酌如商維一帶賊已剿淨
無須此項兵力卽當飛咨停止若必須多兵圍捕
則此項兵丁業已起程在途卽著富爾賽帶領速
赴商維會同兜剿至甘肅地方緊要陸有仁如已
起程竟當轉回蘭州駐劄